



ЎЗБЕКИСТОН ОВОЗИ

SHU AZIZ
VATAN —
BARHAMIZNIKI!

IJTIMOIY-SIYOSIY GAZETA

• 2010-yil • 5-avgust • Payshanba • 91 (31.211) • (Tel. Faks) 233-12-56 • 1918-yil 21-iyundan chiqqan boshlagan
e-mail: info@uzbekistonovozi.uz www.uzbekistonovozi.uz

ЕР — ЎЗБЕКИСТОН ХАЛҚИ ҲАЁТИ ВА ФАРОВОНЛИГИНИНГ АСОСИ

Ўзбекистон Республикаси Олий Мажлиси Сенатининг Аграр, сув ҳўжалиги масалалари ва экология қўмитаси билан халқ депутатлари Фарғона вилоят Кенгашининг қўшма мажлисида Фарғона вилоятида Ўзбекистон Республикаси Ер кодексининг ерлардан қишлоқ ҳўжалиги эҳтиёжлари учун фойдаланишга доир қисмининг ижро этилишини ўрганиш натижалари кўриб чиқилди.

Қўшма мажлисда ерлардан оқилонга, самарали ва мақсадли фойдаланилишини таъминлашда, фермер ҳўжалиқлари, қишлоқ ҳўжалиги қорхоналарига, муассасалар ва ташкилотларга ер участкаларини беришда, ер участкаларини бериш тартиби ва шартларига амал қилишда, тупроқнинг сифати ва унмдорлигини оширишда Ўзбекистон Республикаси Ер кодексининг нормаларига риоя этиш масалалари, шунингдек, қишлоқ ҳўжалиги экин майдонларининг унмдорлигини ошириш, мелиоратив ҳолатини яхшилаш ҳамда ер ресурсларини муҳофаза қилиш тадбирларини рўйга чиқаришда давлат томонидан ёрдам бериш чоралари муҳокама қилинди.

Қайд этиб ўтилганидек, мамлакатимизда гоёта муҳим табиий ресурс, ҳар бир фуқаро ҳаёти ва фаолиятининг асоси бўлмиш ер фондиди сақлаш, тупроқнинг сифатини яхшилаш ва унмдорлигини ошириш масалаларига катта аҳамият берилмоқда. Зарур қўйиладиган базаси яратилган бўлиб, у ер муносабатлари ҳўқуқий тартибга солинишини, ер ресурсларидан оқилонга фойдаланилиши ва уларнинг муҳофазаси

қилинишини таъминламоқда. Ушбу масалани муҳокама қилиш асосида тадбир қатнашчилари Ўзбекистон Республикаси Ер кодексининг 43-моддасига мувофиқ Фарғона вилоятида шу йил 1 январь ҳолатига қишлоқ ҳўжалиги ерлари таркибига 567616 гектар ер ажратилганлигини, шуларнинг 248681 гектарини қишлоқ ҳўжалиги учун яроқли бўлган суғориладиган ерлар ташкил қилишини қайд этдилар. Вилоятнинг суғориладиган қишлоқ ҳўжалиги ерларида тупроқ унмдорлигининг бонитети ўрта ҳисобда 56 балли ташкил этади.

Ўзбекистон Республикаси Ер кодексининг 46-моддасига мувофиқ қишлоқ ҳўжалиги эҳтиёжларига мўлжалланган ерлар фермер ҳўжалиқларига берилган. 2008-2009 йилларда фермер ҳўжалиқлари оптималлаштирилганлиги натижасида вилоятнинг пахта ва галла экинлари етиштиришга иқтисодлашган фермер ҳўжалиқларига қарашли ер майдони ўртача 71,7 гектарни ташкил этмоқда. Ҳозир вилоятда 10131 та фермер ҳўжалиги фаолият кўрсатмоқда.

→ 2



Замонавий усуллар, сиёсий технологиялар

электорат билан иш олиб боришда катта самара беради

ЎЗХДП: минтақавий конференция



Ўзбекистон ХДП Марказий Кенгаши томонидан «Электорат билан иш олиб боришнинг замонавий усуллари, умумэтироф этилган сиёсий технологиялардан фойдаланиш масалалари» мавзусида пойтахтда илмий-амалий анжуман ўтказилиб, унда Самарқанд, Жиззах, Сирдарё, Тошкент вилоятлари ва Тошкент шаҳар партия кенгашлари фаоллари иштирок этишган эди. Тадбирда кўтарилган мавзу муҳим аҳамиятга эга эканлиги ҳисобга олиниб, уни бошқа ҳудудларда ҳам ўтказилиши мақсадга мувофиқ деб топилди.

→ 2

Ёшларга
ишонч —
ташаббусга
чорлайди

→ 2

Нурафшон
шаҳар

Яратувчилик
шижоати
билан

→ 3

Ўзбек
боксининг
доғруғи

→ 4

Бугун дунёнинг кўплаб мамлакатлари иқтисодий-да вужудга келган қатор муаммолар Ўзбекистон эркин иқтисодий бозор муносабатларига бошқича-бошқич ўтиш йўлини танлаб жуда тўғри йўл тутганини, тараққиётнинг «ўзбек модели» нақадар ҳаётий ва самарали эканини яна бир бор тасдиқлади. Мамлакатингиз истиқлолга эришгандан кейин қисқа вақт ичида барча йўналишларда жуда катта муваффақиятларга эришди. Шу ўринда Ўзбекистон банк-молия, инфратуризм, сармоя ва сайёҳлик соҳаларида улкан салоҳият ва кенг имкониятларга эга эканини таъкидлашни истардим».

Брайн ШЕҒАР,
«Emirates NBD» банки
бош менежери (БАА)



Диққат, янги рукн: ИСТИҚЛОЛ. ИМКОНИЯТ. ИҚТИДОР

Одил ЭРҒАШЕВ,

Алишер Навоий номидаги Самарқанд давлат университети археология кафедраси аспиранти:

— Мен 2000 йилда СамДУ тарих факультетида Давлат гранти асосида ўқишга қабул қилиндим. 2003 йилда Алишер Навоий номи Давлат стипендиясига сазовор бўлдим. 2004 йилда СамДУ археология кафедраси магистратурасига имтиёзли равишда ўқишга кирдим.

2004-2006 йиллар мобайнида Самарқанд давлат университетининг тарих факультети археология кафедрасида магистратура босқичида таҳсил олдим. Бизнинг университет билан Италиянинг Болонья университети ўрта-сида ўзаро илмий-соҳавий ҳамкорлик тўғрисида келишув мажмуи. Мазкур келишувга биноан магистратурада биз ўзбек-итальян кўшма археологик экспедициясида иштирок этиб, археология соҳасидаги билимларимизни янада бойитдик.

Ҳозирги кунда Самарқанд давлат университетидан археология йўналиши бўйича аспирантурада таҳсил олмоқдам. Шу вақт мобайнида ЎЗРФА Археология институтини билан ҳамкорликда бир

неча бор археологик экспедицияларда қатнашдим. Шу йил май ойида Қизилқум чўлида жойлашган тош устахоналарига бағишланган номзодлик диссертациясини ёзиб тугатдим. Бу борада менга илмий раҳбарим — Ўзбекистон Республикасида хизмат кўрсатган ёшлар мураббийси, профессор Мавлон Жўрақулнинг маслаҳатлари ва кўрсатмалари, шунингдек, университетимиз раҳбариятининг археологик экспедицияларни уюштиришда берган ёрдамлари катта мадад бўлди.

Номзодлик диссертациямда ўрганилган тош устахоналарини устидан кенроқ тадқиқот олиб бориш мақсадида Ўзбекистон Фанлар академиясига юборилган илмий лойиҳалар ўрганиб чиқилган, икки йил муддатга грант ажра-

тилди. Бу эса номзодлик диссертациямни муваффақиятли олиб боришга ҳам маънавий, ҳам иқтисодий жиҳатдан кўмак бўлди.

2010 йилни Президентимиз томонидан Баркамол авлод йили деб эълон қилиниши биз каби ёшларни билим олишимиз, ўз истеъдодимизни тўла намойиш этишимиз учун имконият эшиқларини янада кенг очиб берди.

Ватанимизда яшаётган миллионлаб ёшларнинг тақдирини ўйлаб амалга оширилаётган ишлар, албатта, ўз самарасини бермоқда. Шу нуқтаи назардан мен Муस्ताқиллик биз ёшларнинг онгу шууримизда, дунёқарашимизда буюк бурчи ясади, деб қатъий ишонч билан айтаман.

Темур ХУДОЙБЕРДИЕВ
ёзиб олди

Соғлом она — соғлом келажак

«Баркамол авлод йили» Давлат дастури амалда

■ 2010 йил 22 июлда Вазирлар Маҳкамаси «Республиканинг қишлоқ туманларида оналар ва болаларнинг репродуктив саломатлигини мустаҳкамлашга доир кўшимча чора-тадбирлар тўғрисида» Қарор қабул қилди. Шу муносабат билан Тошкент тиббиёт академияси акушерлик ва гинекология кафедраси доценти, тиббиёт фанлари номзоди Лола Абдуллаева билан суҳбатлашдик.

— Юртбошимиз ташаббуси билан қабул қилинган ушбу қарор кўплаб дастурий мақсадларни амалга оширишда бизга қўлланма ва-зифасини ўтайди, — дейди Лола Абдуллаева. — Қарор ижроси ҳақида гапирадиган бўлса, аввало, қиз бола туғилиши билан шифокор назоратида бўлиши шарт. Яъни, йиллар давомида унда қандайдир ҳасалик бор ёки йўқлигини аниқлаб бориш лозим. Масалан, юрак, жигар, ошқозон, қолаверса, туҳмудонда бирон касаллик борлиги ёки қанда қанд миқдори юқорилиги каби ҳолатлар, эндокрин ҳасаликлар, нисбий етишмовчиликлар бўлиш эҳтимоли бор. Афсус билан айтишимиз керакки, камқонликка учраган онадан шундай касалликка чалинган бола туғилади. Буларнинг олдини олиш учун аввало қизларни соғломлаштириш ҳолда катта ҳаётга тайёрлаш керак. Уларни ёш турмушга бериш, яқин қариндошлар билан қанда бўлиш турли асоратли касалликлар келтириб чиқаради. Умуман олганда, қиз боланинг организми 19 ёшдан кейингина мустақил ҳаётга тайёр бўлади.



→ 4

ЎЗБЕКИСТОН RESPUBLIKASI MARKAZIY BANKINING 2010 YIL 3 AVGUSTDAN BOSHLAB ХОРИЖИЙ ВАЛЮТАЛАРНИНГ СЎМГА НИСБАТАН БЕЛГИЛАГАН ҚИЙМАТИ

1 Австралия доллари	1461,80	1 Миср фунти	282,33	1 СДР	2441,19	10 Жанубий Корея вони	13,71
1 Англия фунт стерлинги	2527,48	1 Канада доллари	1566,72	1 Туркия лираси	1070,53	10 Япония йенаси	185,89
1 БАА дирҳами	437,71	1 Хитой юани	237,37	1 Швейцария франки	1546,22	1 Россия рубли	53,26
1 АҚШ доллари	1607,61	1 Малайзия рингити	508,58	1 Евро	2089,54	1 Украина гривнаси	203,67

* Валюта қийматини белгилаш чоғида Ўзбекистон Республикаси Марказий банки мазкур валюталарни ушбу қийматда сотиш ёки олиш мажбуриятини олмаган.

O'zbekiston havo yo'lari

TOSHKENT
XALQARO
AEROPORTI

Xizmatlar agentliklaridan



Замонавий усуллар, сиёсий технологиялар

электорат билан иш олиб боришда катта самара беради

(Боши 1-бетда.)

Олтириқ туман Ҳамза шарҳаси Ахборот-ресурс марказида ўтказилган минтақавий конференцияда Андижон, Наманган ва Фарғона вилоятлари партия кенгашлари вакиллари қатнашди.

Минтақавий конференцияда Ўзбекистон ХДП Марказий Кенгаши раиси ўринбосари Шарбат Абдуллаева «Партия фаолиятида сиёсий технологияларнинг ўрни ва аҳамияти» мавзусида маъруза қилди.

Дарҳақиқат, жамиятда демократлаштириш, янгилик ва модернизациялаш жараёнларининг кенг миқёсда олиб борилиши, ижтимоий онгининг эркинлашуви партиялар фаолиятида сиёсий технологиялар, умумэтироф этилган усуллардан фойдаланишни тақозо этмоқда.

Давр талабидан келиб чиқиб, деда маърузачи, Ўзбекистон Халқ демократик партияси Марказий Кенгаши ва унинг тегишли ҳудудий ташкилотлари жамоатчилик билан иш олиб боришда сиёсий технологиялардан фойдаланишга алоҳида эътибор қаратмоқда. Бинобарин, сиёсий технологияларнинг мазмун-моҳияти, турлари, партия фаолиятидаги ўрни ва аҳамияти, электорат билан иш олиб боришда сиёсий партиялар фаолиятини ривожлантириш, бунинг ҳуқуқий асосларини такомиллаштириш, депутатнинг шахсий сифатларини бойитиш каби масалалар доимо диққат марказида бўлиши дарқар.

Янги сиёсий технологиялар партия фаолиятини замонавийлаштириб қолмай, партия мақсад ва вазифаларини электоратга, қолаверса, кенг оммага ҳуқуқроқ тушунириш орқали ўз тарафдорларини кўпайтиришга, жамият ривожига ўз ҳиссасини қўшишга имкон яратолади.

Сиёсий технологиялар сийасатшунослик бўйича назарий билимларни амалий нуқтаи назардан кўриб чиққан ҳолда, сиёсий қондалар хилма-хиллиги, тамойиллари, меъёр ва омилилардан сиёсий мақсад, усул ва услубларни аниқлашда фойдаланиш учун имконият яратиш бермоқда. Бу йўналишда ЎзХДП аъзолари томонидан партиялараро баҳслар жиддий, малакали ва асосли олиб борилиши зарурлигига алоҳида урғу берилмоқда.

Фуқаролик жамиятини ўрганиш институти Фарғона филиали етакчи илмий ходими На-

бижон Темиров конференция мавзуси юзасидан маъруза қилиб, реал шарт-шароитда аҳолининг турли қатламларида сиёсий иш олиб бориш, партиянинг мақсад ва вазифаларини чуқур тушуниришда янги усуллар, сиёсий технологиялардан фойдаланишнинг назарий ва амалий жиҳатларига қатнашчилар эътиборини қаратди.

Фарғона вилоят партия кенгаши бўлим мудири Замира Ёқубова нутқида ахборот-ресурс марказлари тизимида янги сиёсий технологиялардан фойдаланиш орқали электорат манфаатларини ҳимоялаш йўллари асосий мавзу бўлди.

Жамиятимизда ҳозирги кунда ижтимоий адолат, миллатлараро тотувлик ва сиёсий барқарорлик мавжуд экан, биз, энг аввало, юртимизда қарор топган ушбу тамойилларни осраб-авайлашимиз керак. ЎзХДП ғояси ижтимоий адолат, бирдамлик ва демократия ғоясидир. Партия Марказий Кенгашининг қарорига асосан, ташвиқот ишлари самардорлигини ошириш, сиёсий-фуқаролик маърифати тизimini янада такомиллаштириш мақсадида вилоят, туман ва шаҳар партия кенгашларида Ахборот-ресурс марказлари (АРМ) ташкил этилган.

Фарғона вилоятида 39971 нафар ЎзХДП аъзоси фаолият кўрсатади. Улар 900 та бошланғич партия ташкилотига бирлашган. Партия аъзоларининг сиёсий, маънавий, ҳуқуқий савияларини ошириш, шунингдек, сиёсий фуқаролик маърифати тизимидаги ўқув-семинарлар самардорлигига эришиш мақсадида вилоят партия кенгаши ҳамда 19 та туман-шаҳар кенгашлари қошида АРМлар ишлаб турибди. Уларда 100 дан ортиқ турли хил адабиётлар, жумладан, Президентимиз Фармон ва Қарорлари, Вазиirlар Маҳамасининг Қарорлари, фармойишлари, Ўзбекистон Республикасининг қонунлари, қонун-оғзи ҳужжатлари мавжуд.

Партия фаолиятини самарали олиб боришда сиёсий технологиялар, усуллардан фойдаланган ҳолда тadbирларни ташкил қилиш, уларни ўтказиш қанчалик қатъий белгиланган бўлмасин, баъзан янги технологиялар ва услубларни ишга солишда барча имконият ва

ресурслардан кенг фойдалана олмаслик ҳолатлари учраб туради.

Бошқача айтганда, технологияларни қўллашга доимо ижодкорлик билан ёндашиш талаб қилинади. Баъзан номаънавий усулларни қўллаш туфайли технологиялар такомиллашиши, фаолиятнинг оригинал ва ўзига хос усуллари билан бойитилишини унутмаслик керак.

Шу боис, ЎзХДП Фарғона вилоят кенгаши, Марғилон, Фарғона, Қўқон шаҳар ва Тошлоқ, Учкўприк, Бувайда, Олтириқ туман партия кенгашлари ҳузуридаги АРМлар тўлиқ компьютерлаштирилиб модем орқали интернетга уланди.

Ўзбекистон ХДП Андижон вилоят кенгаши раисининг ўринбосари Ҳасан Хайдаровнинг «Жамоатчилик қабулхоналарида электорат билан иш олиб боришнинг янги усулларини қўллаш» мавзусидаги нутқида аниқ мақсадларни кўзда тутадиган жамоатчилик билан алоқа тизimini янада такомиллаштириш, умумэтироф этилган сиёсий технологиялар ва замонавий иш усулларини қўллаш масалаларига урғу берилди.

Андижон вилоят ХДП кенгашлари қошида ташкил этилган 19 та Жамоатчилик қабулхонасига 2010 йилнинг ўтган олти ойида 628 та мурожаат бўлган. Халқ депутатлари маҳаллий кенгашлари партия миздан сайланган депутатлар аралашуви билан уларнинг 70 фоизи ўз вақтида ҳал қилинди. Қолган мурожаатларнинг ечимини топиш бўйича ҳуқуқий маслаҳатлар берилди.

Вилоят кенгашидаги ЎзХДП депутати О.Хасанова ҳам шу кунгача вилоят партия кенгаши Жамоатчилик қабулхонасига тушган 12 та мурожаатни қонун доирасида ҳал этишга ҳаракат қилмоқда. Бундан ташқари, у 3 та маҳалла фуқаролари йиғинидаги қабулхона шохобчаларига ҳафта-нинг сешанба кунлари қабул ташкил этмоқда.

Бугунги кунда партия тизимида сиёсий ўқувларни ташкил қилиш ва уларни ўтказиш партия ишининг асосий негизини ташкил этади. Бу мавзуни Наманган вилоят партия кенгаши раисининг ўринбосари Нигора Нуралиева давом эттирди. ЎзХДП Марказий Кенгаши қарорига асосан ташкил этилган фуқаролик маърифати тизимидаги сиёсий ўқувларда ҳам умумэтироф этилган сиёсий технологиялардан фойдаланиш кенг йўлга қўйилмоқда. Машғулотларни интерфаол равишда ташкил этиш, ахборот технологияларидан унумли фойдаланиш каби замонавий усуллар амалда кенг қўлланилмоқда.

Вилоят партия кенгашида ўтказилган Инқирозга қарши чораларнинг 2009-2012 йилларга

мўлжалланган дастурини Наманган шаҳрида амалга оширишга бағишланган давра суҳбатидан Наманган шаҳар партия кенгаши тайёрлаган слайдлар намойиш қилинди. Шаҳар кенгаши депутатлари, бошланғич партия ташкилоти раислари томонидан очиқ мунозара тарзида ўтказилган машғулот ҳолис далил ва асослар билан тўлдирилди. Учқўргон туманида депутатлик гуруҳи фаолиятига бағишланган давра суҳбатидан депутат ваколати, ҳақ-ҳуқуқларига доир саволларга атрафлича жавоб берилди.

— Сиёсий машғулотларнинг мазмунига қараб ҳамкор ташкилотлар вакилларининг иштирокини таъминлаш тadbирларимизнинг қизиқарли, ишончли ва кенг қамровли бўлишини таъминлайди, — дейди нотик. — Биз Фуқаролик жамиятини ўрганиш институти Наманган минтақавий Ахборот-ташқиқ маркази илмий ходимлари, НамДУ профессор ўқитувчилари билан ҳамкорлик қилишимиз. Улар иштирокида кейинги вақтда ўндан ортиқ машғулот ташкил этилди. Бугунги кунда вилоят тарғибот гуруҳи аъзоларининг 4 нафари журналистлардир. Улар сафида вилоят, шаҳар ва туман кенгашларининг 24 нафар депутати фаол иштирок этади.

Вилоятдаги 100 дан ортиқ касб-хунар коллежи, 11 та академик лицей, 3 та олий ўқув yurtи, 680 та умумтаълим мактаби, 450 га яқин тиббиёт муассасаси, 800 дан ортиқ маҳалла фуқаролар йиғинларидаги аҳоли қатламлари бевосита ЎзХДП электорати ҳисобланади. Ўтган давр мбайинида улар билан узвий боғлиқлигини таъминловчи тизим яратилди.

Анжуманда мавзу юзасидан берилган қатор саволларга батафсил жавоб қайтарилди, шундан сўнг партиявий иш олиб боришда сиёсий технологиялардан фойдаланиш бўйича интерфаол усулда баҳс-мунозара бўлиб ўтди. Мунозара иштирокчиларига эсдалик совғалари берилди.

Анжуманда вилоят партия кенгашлари раислари Мухаммаджон Йўлдошев (Андижон), Абдурашид Убайдуллаев (Наманган), Муҳаммадали Исоқов (Фарғона), Олий Мажлис Қонунчилик палатасининг депутати, ЎзХДП фракциясининг аъзоси Дилбар Холиқова сўзга чиқиб, мавзуга доир фикр-мулоҳазаларини баён қилдилар. Мазкур мавзу бўйича амалий тadbирлар бошланғич партия ташкилотлари даражасида давом эттирилиши мақсадга мувофиқ экани таъкидланди.

Абдуваҳоб АБДУБАНОПОВ,
«Ўзбекистон овози»,
маҳсух муҳбири.

ЕР — ЎЗБЕКИСТОН ХАЛҚИ ҲАЁТИ ВА ФАРОВОНЛИГИНИНГ АСОСИ

(Давоми. Боши 1-бетда.)

Сугориладиган ерларнинг мелиоратив ҳолатини яхшилаш бўйича 2008-2012 йилларга мўлжалланган Давлат дастурини амалга ошириш мақсадида вилоятда туپроқ унумдорлигини ошириш, унинг мелиоратив ҳолатини яхшилаш бўйича ҳудудий дастур ишлаб чиқилиб, амалга оширилмоқда, ҳамма жойда ер ресурсларидан мақсадли, оқилона фойдаланилиши ҳамда уларнинг муҳофазаси қилиниши устидан давлат назорати таъминланмоқда.

Шу билан бирга, қўшма мажлисда сенаторлар Фарғона вилоятда Ўзбекистон Республикаси Ер кодексининг ерлардан қишлоқ хўжалиги эҳтиёжлари учун фойдаланишга доир қисми талабларига риоя этилишини таъминлаш борасидаги ишнинг янада такомиллаштириш зарурлигини таъкидладилар. Шунингдек, улар ерларнинг мелиоратив ҳолатини яхшилаш, ер ресурсларидан мақсадли, оқилона фойдаланиш ҳамда уларни муҳофазаси қилиш устидан қаттиқ

қаратдилар.

Қўшма мажлисда сўзга чиққанлар маҳаллий давлат ҳокимияти органлари, халқ депутатлари туман ва шаҳар Кенгашлари доимий комиссиялари, вилоят қишлоқ ва сув хўжалиги бошқармаси, шунингдек, бошқа манфаатдор ташкилотлар, фермер хўжалиқларининг ва корхоналар, ҳуқуқи муҳофазаси қилувчи органларнинг Фарғона вилоятида Ўзбекистон Республикаси Ер кодексининг ерлардан қишлоқ хўжалиги эҳтиёжлари учун фойдаланишга доир қисми талабларига риоя этилишини таъминлаш борасидаги ишнинг янада такомиллаштириш зарурлигини таъкидладилар. Шунингдек, улар ерларнинг мелиоратив ҳолатини яхшилаш, ер ресурсларидан мақсадли, оқилона фойдаланиш ҳамда уларни муҳофазаси қилиш устидан қаттиқ

давлат назоратини таъминлаш бўйича бир қатор таклифларни билдирдилар.

Масалани муҳокама қилиш якунлари бўйича тегишли қўшма қарор қабул қилинди.

Қўшма мажлисда сенаторлар, халқ депутатлари Фарғона вилоят Кенгашининг депутатлари, халқ депутатлари туман Кенгашлари доимий комиссияларининг раислари, Ўзбекистон Республикаси Марказий банки, Ўзбекистон Республикаси Иқтисодиёт, Қишлоқ ва сув хўжалиги, Адлия вазирлиқларининг, Ўзбекистон Республикаси «Ерғодежадаст», Табиати муҳофазаси қилиш давлат қўмиталарининг тегишли вилоят бошқармалари ва ташкилотларининг, ҳуқуқи муҳофазаси қилувчи органларнинг, шунингдек, оммавий ахборот воситаларининг вакиллари қатнашдилар.

(Ў.А)

ЎзХДП «Истиқбол» ёшлар қаноти

■ Косонсойда Ўзбекистон ХДП «Истиқбол» ёшлар қанотининг Наманган, Фарғона ва Андижон вилоятлари етакчилари иштирокида минтақавий анжуман бўлиб ўтди.

«Баркамол авлод йили» Давлат дастурига мувофиқ ташкил этилган мазкур анжуман «Фуқаролик жамиятини шакллантиришда ёшларнинг иштирокини фаоллаштириш — устувор вазифа» мавзусига бағишланди.



Ёшларга ишонч — ташаббусга чорлайди

Анжуман иштирокчилари дастлаб Наманган вилояти марказида барпо этилган Хотира хиёбонига бўлдилар. Она ҳайкали бойига гул қўйиш маросимидан кейин қатнашчилар Косонсой туманининг Қўқумбой қишлоқ фуқаролар йиғинида ташкил этилган ҳудудий партия ташкилоти ва ХДПдан сайланган депутатлар Жамоатчилик қабулхонаси фаолияти билан танишди.

Қишлоқ оқсоқоли Абдуҳафиз Умаров, бошланғич партия ташкилоти раиси Матлуба Қалқонова билан ўтказилган суҳбатлар анжуман иштирокчиларига қишлоқ ва маҳалла ҳақида эътибор берилиши зарур бўлган масалаларни ўрганиш имконини берди.

Ўзбекистон ХДП «Фаол кенгаши» қаноти жамоатчилик етказарчи раиси Мухтар Абдураҳмонова, Наманган вилоят партия кенгаши раиси Абдурашид Убайдуллаев ҳамда «Истиқбол» ёшлар қаноти бошқаруви раиси Файрат Мамажон бошчилигида анжуман иштирокчилари тумандаги Бешкетмон, Қўқумбой, Бўстон, Навбахор, Янгишаҳар, Янгиёул ва Қозқовул маҳалла фуқаролар йиғинларида мактабгача таълим муассасалари ташкил этиш эҳтиёжини ўрганишди.

Таҳлиллардан маълум бўлдики, ҳудуддаги 9 мингдан зиёд аҳолининг 30 фоизини ташкил этадиган бочча ёшидаги бола-

лар учун мактабгача таълим муассасаларини етарлилик кўпайтириш гоят зарур. Анжуман иштирокчилари мазкур маҳаллаларда болалар боччаларининг фаолиятини янада ривожлантириш, уларда қисқа мuddатли кузатув гуруҳлари ташкил этиш юзасидан Халқ депутатлари вилоят Кенгашига мурожаатнома тайёрладилар.

ЎзХДП фаоли, сенатор Паҳридин Матқаримов билан суҳбат эса «Истиқбол»чиларнинг жамият бошқаруви фаол муносабат билан ёндашганликларини кўрсатди. Собиржон Раҳимжонов, Ҳожиакбар Патоев, Хилола Мирзаева ҳамда Шаҳноза Аҳмаджонованинг мулоқот давомидаги фикр-мулоҳазалари бугунги ижтимоий ҳаётга уйғунлиги билан аҳамиятли бўлди.

Олий Мажлис Қонунчилик палатаси депутати Дилбар Холиқова ва Фуқаролик жамиятини ўрганиш институти илмий ходими, тарих фанлари номзоиди Бахтиёр Исоқов анжуман иштирокчиларини ЎзХДП фракциясининг фаолияти ва қонун ижодкорлигида янгиликлар, фуқаролик жамиятини шакллантиришда ёшларнинг фаол иштирокини таъминлаш борасидаги йўналишлар билан яқиндан таништирдилар.

Олий Мажлис Қонунчилик палатаси томонидан юқори палатага тақдим этилган «Ахборот ку-

тубхонаси фаолияти тўғрисида»ги қонун лойиҳасининг мазмун-моҳияти анжуман иштирокчиларини, айниқса, қизиқтирди. Фикр алмашув ва мулоҳазалар жараёнида «Истиқбол»чи ёшларнинг мамлакатимизда кечаётган ислохотларга қизиқиш даражаси янада ортаётгани маълум бўлди.

Анжуман қатнашчилари ёшларнинг қизиқиш ва истақларидан келиб чиқиб, жойларда Президент асарлари кутубхонасини ташкил этиш зарурлиги юзасидан ўз фикр-мулоҳазаларини билдиришди.

Истиқбол йилларида тарихий қиммати ва маънавий-руҳий аҳамияти янада теранлашиб, сайқал берилган Маҳдуми Аъзам Косоний мақбараси, Муттепа қалъаси, Чашма бўлоғи сингари Косоний туманидаги муқаддас жойларга саёҳат иштирокчиларда унугилмас таассурот қолдирди.

Анжуманнинг иккинчи куни белгиланганидек, Тарғибот марафони билан бошланди. Туман оқимлиги маъмурий биноси олдида Косоний педагогика коллежигача бўлган масофада ўтказилган марафон эрта тонгда шаҳарга байрамона тус берди.

«Еш сийасатчи — 2010» аънавий кўрик-танловининг вилоят босқичи анжуман доирасидаги тadbирлар мазмундорлигини янада бойитди.

Фуқаролик маърифати ва ёшларга оид давлат сийасати мазмун-моҳиятини қамраб олган шартлар асосида танлов қатнашчилари ўз билим ва қобилиятларини намойиш этиш билан анжуман иштирокчиларига кўтаринки кайфият бағишладилар.

Икки кун давом этган минтақавий ёшлар анжумани низоҳсида фаол иштирок этганлар раёбатлантириди.

Ёшларга жўшқин иждоий кайфият, бунёдкор ғоялар йўлида астойдил янгиликларни ўрганиш ва ишжолга бағишланган мазкур минтақавий ёшлар анжумани ҳақида айрим иштирокчиларнинг фикрлари билан қизиқдик.

Гулсала НУРИДДИНОВА,

Фарғона вилояти Олтириқ қишлоқ хўжалик касб-хунар коллежи ўқитувчиси:

— Анжуман мени янада фаол бўлишга ундади. Наманган вилоятда ЎзХДПнинг ўрни бошқа партияларга нисбатан юқори экани тadbирларимизга имкон берувчи тузилма эканини тушундим. Айниқса, «Еш сийасатчи — 2010»нинг Андижон вилоят босқичи ғолиби сифатида танловнинг Республика босқичида қайси жиҳатларга кўпроқ эътибор бериш зарурлигини аниқлаб олдим.

Маҳлиё КОМИЛОВА,

ЎзХДП Андижон вилояти Булокбоши туман кенгаши «Истиқбол» ёшлар қаноти фаоли:

— Наманганлик, фарғоналик тендошларим билан ўзаро фикр алмашув чоғида «Истиқбол» ёшлар қаноти биз каби қанчадан-қанча қишлоқ ёшлари учун ҳаётий билим ва тажриба ортти-

Шокиржон ҲАКИМЗОДА,

Фарғона хўқуқшунослик коллежи талабаси:

— Мазкур анжуман таассурот ва тажрибаларга бой бўлди. Дунёқарашимизни мустаҳкамлашимиз ва Қонунлар ижроси учун барчамиз бирдек жавобгар эканимизни, жамоатчилик назорати институ-

Носиржон ДЕҲҚОНОВ,

«Ўзбекистон овози» муҳбири.

тини шакллантириш, ривожлантиришда биз ёшлар янада фаолроқ бўлишимиз кераклигини барча тadbир иштирокчилари тўла маънода аниқлаб олди.



Мухоммон КОДИРОВ олган суратлар.

СОҒЛОМ ОНА КЕЛАЖАК

(Давоми. Боши 1-бетда.)

Хомилдорлик даврига келиб асосий парварииш тўғри овқатлантириш ва бадантарбия машқлари орқали амалга оширилади. Кўпроқ мева-сабзавот, оқсилга бой бўлган, гўшти овқатлар истеъмол қилиш керак. Аёллар хомилдорлигининг йигирманчи ҳафтасига келиб организмда учинчи қон айланмаси ишга тушади. Она, ҳомила ва йўлдош орқали бўладиган муносабат учинчи қон айланмаси дейилади. Бу эса ўз-ўзидан қон айланиш ҳажми ортада дегандир. Энди ўйлаб кўринг, агар аёлда камқонлик касаллиги бўлса, бу жараён қандай кечадими? Бу ҳолатларга жиддий эътибор бериш керак.

Қарорда алоҳида таъкидланган фоли кислотасининг она ва бола организмга таъсири ҳақида ҳам маълумот бериб ўтсангиз?

— Юқорида айтганимиздек, оналарда қандайдир хасталик мавжуд бўлса, бу касалликнинг фарзандига ўтиш эҳтимоли жуда юқори. Бунинг олдини олиш учун эса хомиланинги бундан қўриқиб олиш керак. Аёлнинг бола билан биринчи ойидан фоли кислотаси ишлатилади. Бу жараён уч ой давомида бетўхтов амалга оширилиши керак. Хомила ривожланиши давомида она қорнида боланинг миёси шакллана бошлайди. Айнан фоли кислотаси унинг тўғри шаклланиши ва ривожланишига хизмат қилади. Агар она хомилдорлик пайтида фоли кислотасини етаради даражада истеъмол қилмайдиган бўлса, унинг фарзанди ақлан заиф бўлиб туғилиши мумкин. Ушбу кислотанинг етишмаслиги бундан ҳам ётишроқ асоратларни, масалан, хомила тушиши каби ҳолатларни келтириб чиқариши кузатилади.

Яқинда Тошкент тиббиёт академияси профессор-ўқитувчиларидан иборат жамоа тузилиб, Сурхондарё вилояти бўйлаб хизмат сафарига чиқдик. Ушбу таркибдан гинеколог, терапевт, педиатр, УЗИ мутахассислари жой олишти. Биз биргаликда репродуктив ёки фертил ёшдаги аёлларни текширувдан ўтказдик. Бу жараёнда аёлнинг ўзида қандайдир хасталик бўлса терапия, хомилда қандайдир ўзгариш бўлса УЗИ врачлари гинеколог томонидан алоҳида тиббий маслаҳатлар, тавсиялар берилди.

Ушбу ерда яшовчи аёллар билан давра суҳбатлари ташкил этдик. Шунини алоҳида таъкидлашни истардимки, бугун тиббиётнинг биринчи бўлини ҳисобланган қишлоқ врачлик пунктларида аҳолига замонавий ва сифатли тиббий хизмат кўрсатилмоқда. Сурхондарё вилоятидаги ҚВПлар киши ҳавасини келтиради. Айниқса, Денов, Сарисийё туманларидаги ҚВПларни кўрган киши лол қолади. Улар энг сўнгги тиббиёт ускуналари билан жиҳозланган. Масалан, Узун туманининг чегарага яқин тоғли худудидagi ҚВПга бордик. Бу ерда ҳам керакли асбоб-ускуналар, қулайликлар мавжуд.

Маълумки, Сурхондарё вилоятига Тожикистон алюминий заводи яқин жойлашган. Бу эса ўз навбатида ушбу худудда яшаётган аҳоли ўртасида эндокринологик хасталиқлар кўпайишига сабаб бўлмоқда. Интернет манбаларига таянган ҳолда шунини айтиш мумкинми, заводнинг зарарли чиқиндилари репродуктив ёшдаги хотин-қизлар соғлиғига салбий таъсир кўрсатмоқда. Улар орасида экстрагенитал касалликлар ўсиши кузатилаётми. Сурхондарё вилоятининг Узун ва Сарисийё туманларида репродуктив ёшдаги хотин-қизларнинг кўпчилигида бундай хасталиқлар қайд этилган.

Касалликлар таркибидо камқонлик, буйрак, эндокрин тизими, ошқозон-ичак касалликлари бор.

Аҳолининг анемия ва бўқоқлог, терапевт, педиатр, УЗИ кўрсаткичи ҳамон юқориликда қолмоқда. Устига-устак, минтақада илк даврдagi бола тушиб қолиш ҳоллари, барвақт туғилишлар, туғма касалликлар тез-тез учраб туради. Алюминий заводи таъсир этадиган зонада ер ости сувларини фтор билан ифловланиши аниқланган. Бунинг олдини олиш учун мамлакатимизда қатор чора-тадбирлар белгиланмоқда. Сувда йод етишмаслик ҳолати ҳам кузатилади. Ҳукуматимиз томонидан таркибидо йод моддаси мавжуд бўлган препаратлар бепул тарқатилаётгани ҳам шундан.

Хомилдор аёлнинг соғлом юриши ва ундан соғлом фарзанд туғилишида оиланинг роли қандай?

— Биласизми, керакли қарорлар қабул қилингани билан, врачлар тушунтириш ишларини амалга оширганлари билан агар оилада етарли даражада қўллаб-қувватлаш, соғлом муҳит бўлмаса, кўзланган мақсадга эришилмайди. Масалан, қайнона келинини шифокор ҳузурига юрмасан, нима бўлади? Баъзи оилаларда келин руҳсатсиз чиқиб кета олмайди. Қарабсизки, боланинг соғлом туғилиши хавф остида қолади. Аввало оилаларда соғлом турмуш тарзини тарғиб қилиши керак, барча оила аъзолари бу текширувлар бўлгуси она учун нақадар зарур эканлигини англаб етишлари лозим.

Баъзи қишлоқ жойларда эрта турмуш қуриш, қариндошлар ўртасидаги никоҳ ҳолатлари ҳали ҳам учраётгани ачинарли. Бундай никоҳнинг салбий, наслий оқибатлари кўп. Жисмонан, ақлан носоглом болалар туғилиш ҳолатлари кўп учрайди. Чала туғилиш ва бола тушиши ҳам кўпинча шундай никоҳлар натижасида юзага келади.



Баъзи чақалоқлар туғилган пайтидаёқ асабий бўлади, тинмай йиғлайди. Бунинг сабаби нимада?

— Бу ҳолат ҳам фоли кислотаси билан боғлиқ. Агар онада камқонлик касаллиги бўлса, бола асабий бўлиб туғилиши эҳтимоли катта. Чунки, камқон аёлларда кислород етишмаслиги ҳолати учрайди. Бу нарса туғиш жараёнида ҳам кузатилади. Натижада болада сиқилиб қолиш ҳолати юзага келади. Агар эътибор берган бўлсангиз, эндигина туғилган болаларнинг мия қобиги анча юмшоқ бўлади. Уша мия қобиги сиқилиши натижасида туғилган бола асабий бўлади. Яна бир бола айтишига мажбуримиз, хомилдорлик бу оқий давр эмас. Қизлар турмушга чиқишидан ва хомилдор бўлишларидан олдин ўзларини қайта-қайта текширувдан ўтказишлари, агар уларда қандайдир касаллик бўлса, унинг олди вақтида олиниши керак. Чунки, онадаги хасталик болага ўтиши эҳтимоли катта.

раёнлар ҳақида гапириб берсангиз. Ушбу ҳолатнинг бола саломатлиги ва руҳиятига таъсири борми?

— Албатта, таъсири катта. Бу даврда аёл қайсидир озқувқат маҳсулотини тановул қилишни истаса, ўша нарса организм талаб қилаётган бўлади. Мана шу пайтда парварииш ва оиладаги муносабат катта роль ўйнайди. Айниқса, хомилдор аёл ҳомила ривожланишининг илк даврида бўладиган, момоларимиз тили билан айтганда, «бошқоронг-илик» асоратини бошидан ўтказайтган пайтда албатта шифокор назорати остида бўлиши керак.

Баъзи оилаларда бу ҳолатга келиннинг инжиқлиги деб қараш ҳам учрайди. Бу умуман нотўғри. Тўғрисини айтиш керак, баъзи қайноналар «мен пахта даласида туққанман, тандирда нон ёпаётим туққанман, йўлда кетаётган пайтда туққанман» деган гапларни кўп

ишлатишади. Энди бу нақа гапларнинг даври ўтди.

Шундан бўлса керак, ўша пайтда кўпга носоғлом болалар дунёга келган. Мана, ҳозир эътибор бериш, туғма ногиронлик билан туғилганлар (гиёҳхандлар ва қариндошлар ўртасидаги никоҳ натижасида туғилганларни ҳисобга олмганда) деярли учрамапти. Бу ҳам тиббиёт тараққиёт босқичида эканлигини далил беради.

Мен мутахассис сифатида яна шунини алоҳида таъкидлашим кераки, «Соғлом она — соғлом бола» мақсадида вази-фасини изчил амалга ошириш мақсадида қабул қилинган Вазирлар Маҳкамасининг қарори аҳамиятини, мазмун-моҳиятини ҳалқимизга, хусусан хомилдор аёлларимизга тушунтиришимиз, унинг ижроси юзасида барчамиз ҳам-жиҳатликда иш олиб боришимиз зарур. Ушандагина баркамол авлод дунёга келади.

«Ўзбекистон овози» мухбири Темура Абдуллоев сўзлагани.

Иккинчи давра бошланди

■ Футбол бўйича олий лиганинг иккинчи давра баҳсларини «Қизилқум» — «Пахтакор» жамоалари учрашуви бошлаб берди.

Унда пахтакорчилар 38-дақиқада Одил Аҳмедов томонидан киритилган ягона гол эвазига кичик ҳисобда зафар қучишган бўлса-да, 68-дақиқада мезонлар мағлубиятдан қутулиб қолишлари мумкин эди. Лекин «Қизилқум» жамоаси ярим ҳимоясисни Леонид Кошелев пенальтини аниқ амалга ошира олмади.



Ҳафтанинг турнинг қолган учрашувлари эса қуйидагича ажунланди:

Ҳафтанинг турнинг қолган учрашувлари эса қуйидагича ажунланди:	«Насаф» — «Металлург» — 2:0;
«Динамо» — «Машъал» — 1:1; «Навбахор» — «Олмалик» — 0:1; «Локомотив» — «Шуртан» — 0:1; «Бунёдкор» — «Хоразм» — 4:1.	

СПОРТ SPORT

■ Юртимиз боксининг халқаро майдондаги нуфузи сўнгги йилларда янада ошди. Россия ва Қозғистондаги бокс мутахассислари ҳамда спорт журналистлари буни алоҳида эътироф этиш билан бирга, ўз юртларида бокс ривожлантириш борасида Ўзбекистон тажрибасини ўрганиш жоизлигини таъкидлашмоқда.

Украинанинг Мариупол шаҳрида ўтказилган аънаваный халқаро турнирда финал жанглирини эфирга узатган спорт шарҳловчиси «...бу вазн тоифаси бўйича ҳам финалда Ўзбекистон вакили...» дейишдан чарчамади. Чунки 44-мартта ташкил этилган «А» тоифадаги бу халқаро турнир финал жанглирининг тўққизтаси Ўзбекистон боксчилари иштирокида кечди. Россия, Украина, Озарбайжон, Белоруссия, Молдова, Тунис ва Грузия каби мамлакатларнинг энг кучли боксчилари қатнашган халқаро турнирда бундай натижага эришиш жуда юқори муваффақиятдир. Вакилларимиз етти вазн тоифаси бўйича финал жанглирида қатнашди, икки вазн тоифасида қумуш медалга эришди, бундан қўшимча сазовор бўлиб, умумжамоа ҳисобида биринчи ўринни эгаллашди.

— Халқаро майдонда юртимиз боксининг нуфузи йил сайин ошиб, Ўзбекистон бокс мактаби тажрибаларини ўрганишга қизиқа-

Ўзбек боксининг довруғи



ётган мамлакатлар сафи ҳам тобора кенгайиб борапти, — дейди Ўзбекистон терма жамоаси мураббийларидан бири, Марказий ҳарбий спорт клубининг бокс бўлими бош мураббийи, майор Уйғун Сиддиқов. — Эндилкида халқаро майдонда қандай турнир ёки ўқув-ийгин машғулоти ўтказилмасын, ташкилотчилар унда бизнинг боксчиларимизнинг ҳам иштирок этишини жуда исташади.

Халқаро турнир ва ўқув-ийгин машғулотида тез-тез қатнашиш боксчиларимизга қўл келмоқда. Чунки, исталган спорт тури вакиллари Олимпия ўйинлари, жаҳон ва қитъа чемпиолатлари каби дунёнинг йирик мусобақаларига энг яхши тайёргарлик қўриш учун имкон қадар халқаро турнирларда кўпроқ қатнашишади. Бундай турнирларда мураббийлар бўлгуси рақибларининг имкониятларини чамалаб олади, услубий, жисмоний, тактик ва бошқа жиҳатлардан тайёргарлик қўришни янги режа-дустурларини ишлаб чиқашади. Айни даврда бокс мутахас-

сислари ва мураббийларимиз XXX ёзи олимпиадага тайёргарликнинг уч босқичли дастурига мувофиқ, миллий терма жамоамизга муносиб спортчиларни танаб олиш ва уларнинг маҳоратини ошириш юзасидан иш олиб боришмоқда. Йил бошида бош мураббий Шароф Худойбердиев режаси ва кўрсатмалари билан терма жамоаси асосий таркиби ва терма жамоага номзод ҳисобланган икки-дорли боксчилар гуруҳларга тақсимланди. Асосий таркиб аъзолари бир неча гуруҳга тақсимланди: Украина, Финляндия, Туркия, Хитой, Болгария ва Озарбайжонда ўтказилган халқаро турнирларда муваффақиятли қатнашди. Энг муҳими, терма жамоамизнинг иккинчи, учинчи ва ҳатто, тўртинчи таркиби аъзоси бўлган боксчилар ҳам халқаро майдонда ўз имкониятларини синиб қўришди, тажрибани маҳоратларини оширишди.

Терма жамоамизнинг асосий таркиб боксчилари Мариупол шаҳридаги халқаро турнирда қатнашган кунлари иккинчи ва учинчи таркиб аъзолари, яъни терма жамоага номзод бўлган бир қатор ёш боксчиларимиз Москвадаги халқаро турнирда қатнашди. Уларнинг тўрт нафари совриндорлар қаторидан ўрин олди. МХШКнинг собиқ аъзоси Шаҳриёр Исоқов (51 кг) барча рақибларини мағлубиятга учратиб, мусобақанинг олтин медали билан тақдирланди. Бобур Айтбоев ва Фазилидин Ғолибазаров ҳам ўз вазн тоифасида қумуш медал билан қифояланди. МХШКнинг яна бир боксчиси Камоллидин Аҳмедов (64 кг)га эса турнирнинг бронза медали насиб этди. Жаҳонга танилган асосий таркиб боксчиларимиз ортидан ана шундай муносиб ўринбосарлар — иқтидорли ёшларнинг камол топиб келаётгани, албатта, барчамизни қувонтиради.

Расул ЖУМАЕВ

BOSH MUHARRIR:
Safar OSTONOV

TAHRIR HAY'ATI:
Abdulla OROPOV
Latif G'ULOMOV
Bobir ALIMOV
Sharbat ABDULLAYEVA
Murodulla ABDULLAYEV
Ulug'bek MUSTAFOYEV
Tat'yana KISTANOVA
(Bosh muharrir o'rinbosari)
G'afur HOTAMOV
(Bosh muharrir o'rinbosari)
Muslihidin MUHIDDINOV
Andy KUSTOV
Ochilboy RAMATOV
Saidahmad RAHIMOV

MUASSIS:
O'ZBEKISTON XALQ DEMOKRATIK PARTIYASI MARKAZIY KENGASHI

BO'LIMLAR:
Partiya hayoti 233-10-13
Madaniyat va sport 233-69-45

Ijtimoiy hayot va iqtisodiyot 233-20-36, 233-44-55

Jamoatchilik bilan aloqalar va huquqiy targ'ibot 233-12-56
Reklama va e'lonlar 233-38-55, 233-47-80
Mas'ul kotib 233-72-83, 236-55-17

VILOYAT MUXBIRLARI:

- Andijonda — 25-32-70
- Buxoroda — 232-06-02
- Gulistonda — 25-46-45
- Jizzaxda — 227-48-35
- Navoiyda — 223-83-73
- Namanganda — 226-43-81
- Nukusda — 222-77-21
- Samarqandda — 35-02-55
- Urganchda — 517-30-58
- Farg'onada — 224-18-78
- Denovda — 8-37641-23-780

MANZILIMIZ:
100000, TOSHKENT, MATBUOTCHILAR KO'CHASI, 32-UY.

Navbatdagi: Shohaydar MIRHABIBOV

Gazeta «O'zbekiston ovozi»ning kompyuter markazida teriladi va sahifalandi.

Sahifalovchi-dasturichilar: Sobirjon TUNG'ATOV, Zafar BAKIROV

«Sharq» nashriyot-matbaa aksiyadorlik kompaniyasi boshqarasida chop etildi.
Korxonasi manzili: Buyuk Turon ko'chasi, 41-uy.

Gazeta O'zbekiston Matbuot va axborot agentligida 0006-raqam bilan 2007 yil 11 yanvarda ro'yxatga olingan.
Gazeta ofset usulida, A-2 formatida bosildi.
Hajmi 2 bosma taboq.
Gazeta sahanba, pashanba va shanba kunlari chiqadi.

«O'zbekiston ovozi» materiallari ko'chirib boshish faqat tahriyati ruxsati bilan amalga oshiriladi.

ISSN 2010-7633
O'ZA yakuni — 20.35
Topshirilgan vaqt — 00.00
2 3 4 5

Sotuvda erkin narxda